



SCREÂT IL 35<sup>NT</sup> AN ACADEMIC DE UNIVERSITÂT

# La ultime volte di Cristiana

**La retore Cristiana Compagno e tire un belanç dal so lavor e e segne lis disfidis che a son denant dal ateneu: "Par cressi e competi nus coventin aleancis".**



Sore: la retore cul president de Region, Renzo Tondo, il president de Provincie di Udin Pietro Fontanini, e il sindic di Udin, Furio Honsell. A çampe: Compagno e il president de Fondazion Crup, Lionello D'Agostini, cui ricercjadôrs dal ateneu premiâts dilunc vie la scree dal an academic. Sot: l'intervent di Alice Buosi, rapresentante dai students.



Jessi dentri di circuits dai sa-vêts scientifcs simpri plui amplis par rivâ ae masse critiche che aromai e covente, e savê cressi traviers lis relazions, lis aleancis strategjichis, i acuardis regionâi, interregionâi e europeans. E je cheste la strategie che la retore de Universitat dal Friûl Cristiana Compagno e segnât dilunc de inaugurazion dal 35<sup>nt</sup> an academic 2012/2013, ultin dal so mandât de retôr, tant che uniche vie possibile par podê sorevivi al tant dificil e preocu-pant quadri di câl dai finanziamen-ts de universitat italiane, e par podê lá indevant a cressi e competi a nivel european e internazional.

"O vin di potenziâ lis nestris aleancis strategjichis cun altris ateneus – e à dit Compagno – e cussi cressi e fâ masse critiche traviers lis relazions, potenziant i modei a rêt. Chest al jere inte vision di nestris paris fondadôrs: al tocje a nô vuê interpretâlu e actualizâlu. Il grant obietif i istituzional che nus spiete al è il potenziament dal nestri sisteme universitari regionâl, intal plen rispet de autonomie e des specificitâts dai singui, intun quadri di cooperazions slargiadis che al sorplanti, a nivel regionâl, i dualisims dal passât e al refudi cun fuarce ogni ambizion incentra-dore plui o mancul latent".

Un percor, chest, za segnât e inviat, ancie cul acuardi di colabozion federative cu la universitat di Triest e la Sissa, intune cui acuardis quadri cun Trent e cun Verone, ma ancie dai projets definits dentri de Conference dai retôrs de Alp Adria e dal progetto european inte aree danubiane condividut cu la universitat di Triest, la Sissa e Aree

Science Park e finanziât traviers i fonts dal Font sociâl eu-ropean.

La ceremonie di inauguracion e à ripassat i 35 agns passâts dai 6 di Març dal 1978, cuant il Decret dal President de Republi-que n.102 al à fissâl l'inviament dal ateneu furlan. Dal teatri ci-tadin, dulà che l'acjadiment si à fat pe prime volte, Compagno e à rilançat la clamade dai retôrs che fin cumò no je stade scolta-de.

"Al è un berli di dolôr devant dal declin de universitat publi-que taliane - e à visât - che al ven da tais liniârs introduts dal decret Tremonti intal 2008 e puartâts a aplicazion complete cul guvier Monti. No si pues plui rimandâ rifinanziaments strutturâi dal sistema, fin a rivâ almancu al 1% dai Pil, e o saressin in dut cás ultins dai Païs europeans. Par svicinâ il mont des piê-lis impresis ae universitat e je urgjent une manovre de defi-scalizazion dai contributs dâts des impresis ai ateneus. E al è urgjent dopo tornâ ai ateneus une capacita de programazio-n intun quadri de stabilità normativa e finanziarie".

In presincé de chest quadri tant dificil, cun sacrifici e determinazion, e à zontât Compagno, "o vin metût lis basis par fâ un gnûf model de ateneu, inovatif, bon di agji cun efet dentri di un spazi european e internazional!".

Te sô ultime inauguracion di an academic, Jessint il mandât di retore in sejadince l'Otubar che al ven, Cristiana Compagno e à volût infin dreçâ il so salut e ringraziament ae comunità universitarie, ai ricercjadôrs, ai studen-ts, al sisteme teritorâl, ai privâts e aes impresis.